



## **Universitätsbibliothek Paderborn**

**Agenda, Das ist: Kirchenordnung/ wie es im  
Fürstenthumb Hessen mit verkündigung Göttliches  
Worts/ reichung der heiligen Sacramenten vnd andern  
Christlichen handlungen vnd Ceremonien gehalten  
werden ...**

**Wilhelm <IV., Hessen-Kassel, Landgraf>**

**Marpurgk, 1574**

**VD16 H 2964**

Wie die Action des heiligen Abendmahls auff den hierzü bestimpten tag  
angestellt und verrichtet werden soll.

**urn:nbn:de:hbz:466:1-35994**

80

stimpt der Kirchendiener die seilgen für / so er  
hat warten heissen/explorirt die jungen / vnd  
vnderrichtet die vnuerstendigen / redet mit et  
nem jedern was ihn bedunckt zu seiner seelen  
wolffart notwendig sein / inmassen allbereits  
hieruon meldung geschehen / vnd da er etwan  
gemeines offentliches ergernus halber / mit et  
ner oder mehr personen zureden hat / soll er die  
Seatores darben nehmen / vnd mit ihrem rath  
vernunfftig vnd bescheidenlich handeln.

## Wie die Action des heil ligen Abendmahls auff den hier zu bes stimpten tag angestellt vnd ver richtet werden soll.

I.

**W**Ann die Predigt / so man nach gelegenheit  
der zeit zuhalten pflegt / ein ende hat / soll  
der Pfarherr vnd diener des heiligen Götts  
chen worts / seine rede zu den Communicanten  
lehren / vnd sie mit kurzer summarischer repe  
tition der voriges tags angehörten erinnerung  
vnd vermanung / abermals für dem schendli  
chen

chen mißbrauch dieses hochwürdigen Sacra-  
ments warnen/ vnd mit sonderbarem ernst vñ  
fleiß vermanen/ das sich ein jeder wol pfrassen/  
vnd also in die sachen schicken wölt/das er nicht  
schuldig werde am Leib vnd Blut des Herrn/  
vnd ihm selber esse vnd trincke das gericht

2. Darnach soler die beiche vnd bekandnus  
der sünden sprechen mit ernstlicher erinnerung  
vnd vermanung/ es wölt ein jeder Christgleu-  
biger ihm solchs also von hertzen nachsprechen.

5. Hierauff soll so bald folgen die Absolution/  
wie die sampt der Confession droben mit auß-  
geruckten Worten gesetzt ist / vnd sollen nach  
obgesetzter gesprochener Absolution diese wort  
hinzu gethan werden/ Vñ will ich die Cömuni-  
canten vermanet habē/ sie wöllen gute achtung  
geben auff die wort der insakung dieses Sac-  
raments/ insonderheit aber auff die wort da er  
spricht: Das ist mein Leib der für euch gegeben  
wird / das ist der Kelch des newen Testaments  
in meinem Blut/ das für euch vñ für viele ver-  
gossen wirdt zu vergebung der sünden: das sie  
dieselbigen mit warem glauben fassen wolten/  
vñ nicht zweiffeln / sondern festiglich glauben/  
so gewiß der Sohn Gottes vnd laut seiner eie-  
genen

genen verheissung im Abendmahl speisset/ vnd  
trencket mit seinem eigenen Leib vnd Blut/ also  
gewiß vnd warhafftig übergibt er vns auch/  
einem jedern insonderheit alle die geistlichen  
wolkhaten/ so er mit auffopfferung seines Leibs  
vnd vergießung seines theuren Bluts/ seiner  
lieben Christenheit verdienet vñ erworben hat/  
als dann ist vergebung der sünden/ gerechtig-  
keit die für Gott gilt/ vñ nach diesem leben das  
ewig vnd selig leben.

4. Nach gesprochener Absolution soll der Kir-  
chendiener die gemeine vermanen zum gebett/  
für alle gemeine vnd besondere anligende sa-  
chen der ganken Christenheit/ vnd zu gleich für  
den rechten seligen brauch vñnd nützung des  
Sacraments des Leibs vñnd Bluts vnser  
Herrn Jesu Christi: Vnd wo für einsonderlich  
anliegende noch zu bitten ist / dieselbige soll er  
auch so bald in specie vermelden/ vnd darnach  
folgendes Gebett der gemeine in ihrem herzen  
nachzusagen/verlesen:

**B**armherziger Gott Himmlicher  
Vatter/ du hast vns geheissen in  
deinem

deinem vnd deines lieben Sohns vn-  
fers Herrn vnd Heilands Ihesu Chri-  
sti namen zuersamben / vnd dich  
vmb alles / das vns vnd allen men-  
schen nutz vnd gut sein mag zubitten /  
mit gnediger vertroftung vns Vätter-  
lich zuacweren / hierauff vertroftet er-  
scheinen wir allhie vor deinen augen  
deiner Göttlichen Majestet / bitten vñ  
flehen du wollest vns alle vnsere sünd  
vnd vngerechtigkeit verzeihen / vñ vn-  
ser hertz mit deinem heiligen Geist er-  
neuvern / vnd zu deinem Sohn vn-  
serm Herrn Ihesu Christo auffrichten  
vnd engünden durch deinen heiligen  
Geist / das wir dich für alle notthurfft  
deiner Kirchen vnd aller menschen /  
mit allem vertrauwen bitten / vnd von  
dir erlangen / was vns allen zu dei-  
nem lob vnd preiß nützlich vnd forder-  
lich

82  
lich sein mag: Vnd bitten dich erst-  
lich für deine kirche vnd gemeine / er-  
löse vnd behüt die für allen Bischöffen  
vnd für gengen / die du nicht gesandt  
hast / vnd sende ihnen / so alle deine zer-  
strewete schäfflein mit allen treu-  
wen suchen / vnd vnsern Herrn Chri-  
sto dem einigen guten Hirten zufü-  
ren / vnd welche sie ihm zubracht ha-  
ben / zu allem deinem willen vnd ge-  
fallen teglichen bessern vnd stercker  
erbauwen / damit bey vns vnd allent-  
halben / alles Gottloß wesen / alle se-  
cten / rotten / vnd aller falscher Gottes-  
dienst abgeschafft vñ außgetilget wer-  
de / vñ wir in einigkeit warer glaubens /  
vñ erkendnuß deines lieben Sohns  
Gottselig leben / in ihm genzlich ver-  
samblet / vñ eins werde zu deinem lob  
vñ besserung vnserer nechsten / Amen.

113

X ij

Also

Also bitten wir dich auch für vnser  
Oberkeit/ Keyser/ König/ Fürsten vnd  
Herrn / vnd fürnemlich für vnsern  
Landsfürsten/ seine Rät vñ Gewal-  
tigen vnd Regenten dieser Stadt/ gib  
ihne das sie warhafftig Gottes seyen/  
alles anges bey ihren Vnderthanen/  
welche auch deiner handt werck vnd  
Schafflein deiner weide seindt // ab-  
schaffen // alles guts pflanzen vnd  
fordern/ damit wir frey von furcht der  
Feinden/ dir dienen in aller heiligkeit  
vnd gerechtigkeit.

Wir bitten dich auch gütiger Gott  
vñ Vatter für allemenschen // die weil  
du wilt ein Heiland sein aller welt/ zie-  
he zu deinem lieben Sohn die noch vñ  
ihm entfremdet sein/ vnd gib denen  
so du zu ihm gezogen / in seiner erkend-  
nuß immer zu wachsen vñ zu zunemen.  
Vnd

Vnd für die / so du vns allen zum  
 Exempel züchtigest mit allerley ahn-  
 sechtung vnd trübsal / bitten wir  
 auch / tröst sie / vnd hilff ihñ auß al-  
 len nöten / vnd gib vns das wie  
 deine Väterliche warnung ahñ ih-  
 nen zü herzen führen / vnd vns selbst  
 richten vnd bessern / das wir nicht von  
 dir müssen gerichtet werden / vnd vns  
 die wir allhie vor deinen Götlichen  
 augen / zü deinem Wort / Gebett / Alla-  
 musen vnd heiligen Sacrament ver-  
 samblet sein / verleibe / das wir ja allhie  
 allein in deinem vnd deines lieben  
 Sohns namen versamblet seyen / gib  
 das wir dein heiliges Gesez vnd E-  
 uangelion / mit rechtem glauben fas-  
 sen / vnd daher einmahl genzlich vns  
 selbst absterben / vnd ahñ deinen  
 Sohne vnsern einigen Heilande vns  
 X III ergeben



ergeben / der vns auch allein durch  
sein bitter leiden vnd sterben von sün-  
den vnd ewiger verdammisß erlöset/  
vnd durch sein heilige Außerstehung  
vnd Himlische regierung zu sich in sei-  
ne Kirch vnd Gemein beruffen / vnd  
ihm selbst zum ewigen leben eingelei-  
bet hat / vnd gibt vns über das alles  
auch seinen Leib vnd Blüt in dem  
heiligen Sacrament zur speiß vnd  
trancck in das ewige leben / auff das  
wir immer mehr in ihm / vnd er in vns  
lebe zu vnserm ewigen heil vnd selig-  
keit / diß alles gib heiliger Vatter vns  
im lebendigem rechtem glauben zu  
bedencken / vnd in solchem glauben  
diese Gemeinschaft des Leibs vnd  
Blüts deines liebens Sohns vnser  
Herrn vñ seinem Tisch zu entpfahen /  
also das vnser sündhafftigs fleisch  
in vns

in vns ihe lenger ihe mehr gedempffte  
 vnd getödtet werde / vnser leben aber  
 in Christo Ihesu immer wachsen vnd  
 zunemen möge / dir zum preiß vnd  
 dem nechsten zur besserung / damit  
 dein nam ahn vns also mehr geheilt  
 get / dein reich erweitert / vnd einmahl  
 alles bey vns auff Erden mit solcher  
 lust vnd lieb nach deinem heiligen wil-  
 len geschehe / wie das im Himmel ge-  
 schieht / darzu gib vns auch vnser täg-  
 lich Brodt / alle leibes notthürfft / ge-  
 sundtheit vnd friede / das wir dir diß  
 zu lob gebrauchen mögen / vnd vergib  
 vns vnser tegliche fehl / wie jekunde  
 vor deinen augen wir allen denen ver-  
 zeihen / so vns ihe leides gethan ha-  
 ben / vnd laß vns den Versucher  
 den bösen Feind nimmermehr mit  
 seiner listigen ansechtung obligen.  
 Sondern

Sondern erlöse vns von ihm vnd als  
lem argen: Denn dein ist das Reich/  
die Krafft vnd Herzigkeit in ewigkeit/  
Amen.

## Oder kürzer also:

**B**armherziger ewiger Allmechti-  
ger Gott Himmlicher Vatter/ der  
du vns in deines lieben Sohns vn-  
sers Herrn Ihesu Christi namen zusam-  
men zukommen / vnd dich vmb alle  
vnsere notthurfft anzuruffen befohlen/  
vnd solch vnser Gebett gnediglich zu  
erhören verheissen vnd zugesagt hast/  
auff denselben deinen befehl vnd gne-  
dige verheissung erscheinen wir allhier  
vor deiner Göttlichen Majestet / vnd  
bitten von grundt vnsers hertzens / du  
wöllest